

- प्रधानमंत्री नरेंद्र मोदी होरें कूरनूल, आंध्र प्रदेश च 13 ज्हार 430 करोड़ रपे दी बहुउद्देश्यी विकास परियोजनाएं दा उद्घाटन कीता।
- राष्ट्रपति द्रोपदी मुर्मू होरें संयुक्त राष्ट्र च सैन्य योगदान देने आहले देशें दी सेना दे प्रमुखें ते उप-प्रमुखें कन्नै मलाटी कीती।
- केंद्री मंत्री ज्योतिरादित्य सिंधिया होरें उपराष्ट्रपति होरें'गी दूर संचार, उत्तर पूर्वी क्षेत्रें दे विकास सरबन्धी पहलकदमिं बारै जानकारी दिती।
- गृह मंत्री अमित शाह होरें भ्रष्टाचार, अपराध ते आतंकवाद गी दना बी बर्दाश्त नेई करने दी सरकार दी नीति गी दोहराया।
- भारत गी एशिया ते प्रशांत क्षेत्र आस्तै संयुक्त राष्ट्र वैश्विक भू-स्थानीय सूचना प्रबंधन (UNGGIM-AP) दी क्षेत्रीय समिति दा सह अध्यक्ष चुनेआ गेआ ऐ।
- बैडमिंटन च भारत दे लक्ष्य सेन ते मर्दे दी जोड़ी साहित्वकसाइराज रंकीरेड्डी ते चिराग पासवान होरें डेनमार्क ओपन दे क्वार्टर फाइनल दे पैहले मैचें च थाहर बनाई।

<><><><><><>

### PM Andhra Projects

प्रधानमंत्री नरेंद्र मोदी होरें कूरनूल, आंध्र प्रदेश च तकरीबन 13 ज्हार 430 करोड़ रपे दे बहुउद्देश्यी विकास परियोजनाएं दा शुभारम्भ कीता। एहदे शा पैहले प्रधानमंत्री होरें अपने राज्य दे दौरे दी शुरूआत श्री ब्रहमारबा मल्लिकार्जुन स्वामी मंदिर च पूजा-अर्चना करिए कीती। एह मंदिर नंदयाल जिले दी श्रीसाइलाम च ऐ ते 12 ज्योतिर्लिंगें शा ते 52 शक्तिपीठें चा इक ऐ। प्रधानमंत्री होरें'गी श्री स्वामी ते देवी ब्रहमारंबा हुंदियां तस्वीरां ते वस्त्र भेंट कीते गए। एहदे मगरा मोदी होरें श्रीसाइलाम च श्री शिवाजी सूपर्थी केंदा दा दौरा कीता जेदा मकसद छतरपति शिवाजी महाराज हुंदी परम्परा गी मनाना हा। प्रधानमंत्री होर अज्ज बडलै अपने 1 ध्याडे दे आंध्र प्रदेश दे दौरे आस्तै कूनूल पुज्जे।

<><><><><><>

### Prez. Army Chiefs Conclave

राष्ट्रपति द्रोपदी मुर्मू होर अज्ज संयुक्त राष्ट्र च सेना दे योगदान देने आहले देशें दे सेनाएं दे प्रमुखें ते उप-प्रमुखें कन्नै मिले जेडे गै नमी दिल्ली च सेना प्रमुखें दे कन्क्लेव च हिस्सा लै'रदे हे। इक सोशल मीडिया पोस्ट च राष्ट्रपति होरें प्रतिनिधिं दा स्वागत कीता ते वैश्विक शांति ते स्थिरता कायम रखने च संयुक्त राष्ट्र शांति स्थापित करने आहले मिशनें दे योगदान दी प्रशंसा कीती। राष्ट्रपति होरें शांति कायम रखने सरबन्धी कम्में प्रति भारत दी मजबूत प्रतिबद्धता पर लो पाई।

<><><><><><>

### India-US Energy Coop

भारत नै अज्ज आखेआ ऐ जे अमरीकी प्रशासन नै भारत कन्नै उर्जा सहयोग बदाने च रूचि जाहिर कीती ऐ ते इस बारे गल्लबात जारी ऐ। मीडिया दे सवालें दा परता दिंदे होई विदेशी मामलें दे मंत्रालय दे प्रवक्ता रंधीर जायसवाल होरें आखेआ जे भारत कई बरें थमां उर्जा क्षेत्र दा विस्तार चाहंदा ऐ। प्रवक्ता होरें देश दी तेल आयात नीतिएं बारै दस्सेआ जिंदा मकसद पूरी चाल्ली देश दे उपभोक्ताएं दे हितें दी रक्षा ऐ। उनें आखेआ जे स्थिर उर्जा दाम ते सुरक्षित आपूर्ति देश दी उर्जा नीति दे 2 मुख् उद्देश्य रेय ना। एहदे शा पैहले व्हाइट हाउस च इक प्रेस वार्ता च अमरीका दे राष्ट्रपति डोनल्ड ट्रम्प होरें आखेआ जे अमरीका दे भारत कन्नै काफी अच्छे रिश्ते ना। उनें प्रधानमंत्री नरेंद्र मोदी होरेंगी महान व्यक्ति दस्सेआ।

<><><><><><>

### NSG-Raising Day

राष्ट्री सुरक्षा गार्ड एनएसजी जेडा आतंकवाद दे खलाफ कम्म करने आहला मुख् बल ऐ, अज्ज अपना 41मां स्थापना दिवस मना'रदा ऐ। गृह मंत्री अमित शाह होरें एनएसजी जवानें गी बधाई दितती ऐ। सोशल मीडिया पोस्ट च शाह होरें आखेआ जे एनएसजी नै अडिग बहादुरी ते बलिदान कन्नै राष्ट्र दी सुरक्षा करिए युद्ध उत्कृष्टता दे स्वर्णिम मानक स्थापित कीते ना। देश दे प्रति अपनी प्रतिबद्धता देने आहले वीरें गी गृह मंत्री होरें नमन कीता।

<><><><><><>

### Foreign Minister Egypt

इजिप्ट दे विदेश मंत्री बदर अब्देलाली होर अज्ज अपने दो रोजा दौरै आस्तै नमीं दिल्ली पुजे। विदेशी मामलें सरबन्धी मंत्रालय दे प्रवक्ता रंधीर जायसवाल होरें आखेआ जे अब्देलाली हुंदे दौरै दरान ओह पैहली भारत इजिप्ट रणनीतिक गल्लबात च हिस्सा लैगन।

<><><><><><>

### Goyal-Growing Economy

वाणिज्य ते उद्योग मंत्री पीयूष गोयल होरें आखेआ ऐ जे पिछले 4 बरें थमां भारत विश्व दी सब्बनें शा तेजी कन्नै बदाने आहली अर्थ बवस्था बने दा ऐ ते अगले 20एं बरें तोड़ी इस तेजी गी बनाइयै रखने दा लक्ष्य ऐ। उनें आखेआ जे पिछले 1 दाहके च 25 करोड़ शा मते लोकें गी गरीबी थमां बाहर कडुआ गेआ ऐ। नमीं दिल्ली च भारत-ब्राजील बपार वार्ता गी संबोधित करदे होई गोयल होरें आखेआ जे ब्राजील दे उपराष्ट्रपति गेराल्डो अल्कमिन हुंदे नेतृत्व च ब्राजील दे प्रतिनिधिमंडल दी एह यात्रा दवें देशें बश्कार सांझेदारी गी मजबूत करने दी पक्की नीह रक्खोग। उनें आखेआ जे दवें देशें बश्कार आपसी सम्मान ते लगातार विकास ते वैश्विक सहयोग दे सांझा दृष्टिकोण पर आधारित इक गहरा ते पुरक सरबन्ध ऐ। उनें ब्राजील दे कन्नै सहयोग होर गूडा करने दा आह्वान कीता ते इसी इस ऐसा रिश्ता दस्सेआ जेडा दवें देशें दे लोकें आस्तै समृद्धि ते विकास लेआग।

<><><><><><>

### VP Scindia Meet

संचार ते उत्तर पूर्वी क्षेत्र दे विकास सरबन्धी मंत्री ज्योतिंदित्य सिंधिया होर उपराष्ट्रपति सी.पी राधाकृष्णन हुंदे कन्नै संसद भवन च मिले। मलाटी दरान उपराष्ट्रपति होरेंगी संचार ते उत्तर पूर्वी

क्षेत्र दे विकास सरबन्धी मंत्रालय दी मुख् पहलकदमिएं दे भविक्ख दी योजनाएं बारै जानकारी दिक्ती गेई। इक सोशल मीडिया पोस्ट च उपराश्ट्रपति होरें आखेआ जे उनेंगी पूरे देश च टेलीकाम ते इंटरनेट ढांचे दे विस्तार बारै जानकारी दिक्ती गेई ते हर नुक्कर तोड़ी संपर्क स्थापित करने ते डाटा गी वाजिब दामें पर उपलब्ध करवाने लेई सरकार हर मुमकिन कोशिश करा'रदी ऐ।

<><><><><><>

### Shah-Fugitives

गृह मंत्री अमित शाह होरें नमीं दिल्ली च भगोड़े अपराधिणं दे प्रत्यार्पण कन्नै सरबन्धित चुनौतिणं ते रणनीतिणं पर इक सम्मेलन दा उद्घाटन कीता। एहू 2 दिन दा सम्मेलन केंद्री जांच ब्यूरो-सी.बी.आई नै आयोजित कीता ऐ। सम्मेलन च बक्ख-बक्ख केंद्री ते राज्य पुलस एजेंसिणं दे वरिष्ठ पुलस अधिकारी हिस्सा लै करदे ना। इस मौके पर बोलदे होई गृह मंत्री होरें आखेआ जे भगोड़े आर्थिक अपराधिणं, साइबर अपराधिणं ते ओहू जेड़े आतंकवादी गतिविधिणं च शामिल न, कन्नै सख्त रौंस अपनाया जागं सीबीआई आसेआ आयोजित सम्मेलन च बोलदे होई शाह होरें आखेआ जे भ्रष्टाचार, अपराध ते आतंकवाद खिलाफ गैं दना बी बर्दाश्त आहली नीतिणं गी अपनाना लोडचदा, सगुआं उंदे खिलाफ बी इयै रौंस होना लोडचदा जेड़ा भारत दे बाहर थ्वां इत्थे अपराधिक गतिविधियां चला करदे ना।

<><><><><><>

### EAM-UNTCC

विदेश मंत्री डॉ. एस जयशंकर होरें आतंकवाद, आर्थिक अस्थिरता ते जलवायु बदलाव दी चुनौतिणं कन्नै निब्वडने आस्तै देशें दे बश्कार सहयोग बदाने पर जोर पाया ऐ। उनें आखेआ जे एहू चुनौतियां आपस च जुड़ी दियां न ते राश्ट्री सीमाएं शा बक्ख ना। उनें अंतरराश्ट्री राजनीति दे प्रतिस्पर्धा पहलुणं अग्रे बदिऐ मते सहयोग दा नजरिया अपनाने पर जोर पाया। डॉ. जयशंकर होरें नमीं दिल्ली च संयुक्त राश्ट्र शांति सेना आस्तै सैनिकें दे योगदानकर्ता देशें दे प्रमुखें दे सम्मेलन गी संबोधित करा'रदे हे।

<><><><><><>

### EAm-SLPM

विदेश मंत्री डॉ. सुब्रह्मण्यम जयशंकर होरें अज्ज नमीं दिल्ली च श्रीलंका दे प्रधानमंत्री डॉ. हरिनी अमरसूर्या हुंदे कन्नै मुलाकात कती। सोशल मीडिया पोस्ट च डॉ. जयशंकर होरें आखेआ जे उनें श्रीलंका गी भारत दे लगातार समर्थन ते शिक्षा, क्षमता निर्माण च दवें देशें बश्कार सहयोग गी मजबूत करने पर चर्चा कीती।

<><><><><><>

### Bihar-Political Activity

आने आहले विधानसभा चुनाणं आस्तै बिहार च प्रचार जोर फडा'रदा ऐ। एनडीए दा सहयोगी दल जनता दल यूनाइटेड नै अज्ज 44 मेदवारें दी दुई सूची जारी कीती। जनता दल यूनाइटेड नै सारी 101 सीटें आस्तै अपने मेदवारें दे नां दी घोशणा करी दिक्ती ऐ। दुई सूचि च 19 मौजूदा विधायकें गी मौका

दित्ता ऐ जदके 4 मत्रिएं सुमित कुमार सिंह, शीला मंडल, लेशी सिंह ते जयंत राज पर पार्टी नै इक बार फही भरोसा जताया ऐ। कांग्रेस दल नै अपने किश मेदवारें गी चुनां चिन्ह जारी कीते न। कांग्रेस राज्य प्रधान राजेश राम इक बारी फही कुटुंबा चुनावी हल्के थमां चुनांऽ लड़ंगन। तोआई चुनां आयोग नै दूरदर्शन ते आकाशवाणी पर राश्ट्री ते राज्य स्तर दे मान्यता प्राप्त राजनीतिक दलें गी प्रसारण सरबंधी किश निर्देश बी दित्ते न।

<><><><><><>

### IIT-Delhi

भारतीय नौसेना नै डिज़ाइन सरबंधी हस्तक्षेपें दे माध्यम राएं भारतीय नौसेना दे ज्हाजें पर जीवन दी गुणवत्ता च सुधार लेई आईआईटी-दिल्ली कन्नै इक समझौता ज्ञापन पर हस्ताक्षर कीते न। इस समझौता ज्ञापन तहत, आईआईटी-दिल्ली, नौसेना वास्तुकला निदेशालय कन्नै मिलियै इक शोध ते डिज़ाइन केंद्र दी स्थापना करोग। संस्थान दे शोधकर्ता चला'रदी ते भविष्य दी निर्माण परियोजनाओं दी सुरक्षा, दक्षता ते रौहने दी क्षमता दा अध्ययन करडन ते जहाज दे डिज़ाइन च बी योगदान देंडन।

ज्ञापन समझौते पर भारतीय नौसेना के सहायक सामग्री प्रमुख रियर एडमिरल अरविंद रावल ते आईआईटी दिल्ली दे निदेशक प्रोफेसर रंगन बनर्जी होरें हस्ताक्षर कीते।

<><><><><><>

### India-UN GGIM-AP

भारत गी एशिया ते प्रशांत क्षेत्र आस्तै संयुक्त राष्ट्र वैश्विक भू-स्थानिक सूचना प्रबंधन - यूएन-जीजीआईएम-एपी दी क्षेत्रीय समिति दा सह-अध्यक्ष चुनेआ गेआ ऐ। भारत त्रै बरे यानी 2028 तगर समिति दी सह-अध्यक्षता करोग। विज्ञान ते प्रौद्योगिकी मंत्रालय नै आखेआ ऐ जे सह-अध्यक्ष दे रूप च भारत दा चुनांऽ, वैश्विक भू-स्थानिक क्षेत्र च राष्ट्र दे बददे नेतृत्व ते नवाचार, क्षमता निर्माण ते क्षेत्रीय सहयोग च एहदे योगदान गी दर्शादा ऐ।

<><><><><><>

### Badminton

बैडमिंटन च भारत दे लक्ष्य सेन होर डेनमार्क दे एंडर्स आटोमन हुंदे कन्नै डेनमार्क ओपन दे क्वार्टर फाइनल मुकाबले च ओडेंस च भिड़ंगन। दुनिया दी रैंकिंग च 21में नंबर दे खडारी लक्ष्य होरें आयरलैंड दे न्हात नगुयेन होरें गी हराई दित्ता हा। सात्विकसाइराज रंकीरेड्डी ते चिराग शेटी हुंदी जोड़ी दा मुकाबला चीनी जोड़ी यांग पोहन ते लिन न्यांग हांग कन्नै होग।

<><><><><><>

### LG-Lit Fest

जम्मू-कश्मीर दे उपराज्यपाल मनोज सिन्हा होरें आखेआ ऐ जे जम्मू-कश्मीर दे युवा हून देशे दे इतिहास, मूल्लयें ते आकांक्षाएं कन्नै डूंगे जुडे दे न। उनें आखेआ जे युवा राश्ट्र निर्माण लेई इक सांझी सांस्कृतिक पंछान गी बढावा देआ'रदे न। एहू गल्ल एल.जी होरें कुलगाम च Veshew literary, festival गी वीडियो कांफ्रेंसिंग राएं संबोधित करदे होई आक्खी। दो रोजा इस literary festival च

लेखक, कलाकारों ते पाठकें अपने बचार सांझे कीते। उपराज्यपाल होरें आखेआ जे इस चाल्ली दे आयेजनें कन्नै साहित्य गी बढावा थ्होग। उनें एहू बी आखेआ जे जम्मू-कश्मीर दे प्रसिद्ध साहित्यकारें पीढियें गी प्रेरित कीता ऐ।

<><><><><><>

### FSSAI-ORS

भारती खाद्य सुरक्षा ते मानक प्राधिकरण नै सभनें राज्यें ते केंद्र शासित प्रदेशें गी इक निर्देश जारी कीता ऐ जे सभनें खाद्य कारोबार संचालकें आसेआ खाद्य उत्पादें थमां ओ.आर.एस शब्द गी हटाने गी यकीनी बनाया जा। FSSAI नै सभनें सरबंघत अधिकारिणें गी आखेआ ऐ जे ओहू खाद्य सुरक्षा ते मानक कनून 2006 दे तैहत निर्धारित लेबलिंग ते विज्ञापन सरबंघी शर्तें दा सख्ती कन्नै पालन करने गी यकीनी बनान।

<><><><><><>

### LG-NSG

उपराज्यपाल मनोज सिन्हा होरें राश्ट्री सुरक्षा गार्ड दे कर्मिणें ते उन्दे परौआरें गी 41में स्थापना दिवस दे मौके पर बधाई दिती। उनें आखेआ जे एन.एस.जी दे कर्मिणें दी निस्वार्थ सेवा ते बलिदान नै मुख्य गी सुरक्षित रक्खेआ ऐ। एनएसजी दे उनें कर्मिणें जिनें अपनी ज्यूटी गी अंजाम दिंदे होई अपना सर्वोच्च बलिदान दिता, उनें गी श्रद्धांजलि भेंट कीती। राश्ट्री सुरक्षा गार्ड भारत दा आतंकवाद रोधी बल ऐ। 16 अक्तूबर 1984 गी एहदी स्थापना होई ही।

<><><><><><>

### GST-Reforms MP

जीएसटी च नमें सुधारें कन्नै मध्य प्रदेश दी अर्थ बवस्था कन्नै जुडे दे बक्ख-बक्ख खेत्तरें च महत्वपूर्ण उछाल आया ऐ जेदे च हत्थखड्डी, हस्तकला, जनजातीय लोकें तरफा तैयार कीती गेदी चीजां, राई-बाई बगैरा। नमं जीएसटी रूप हेठ ट्रैक्टर ते पंप दे पुर्जे दी कीमत 7 थमां 13 फीसद घटी गेई ऐ। एहदे कन्नै निक्के करसानें आस्तै नमियां मशीनां खरीदना आसान होई जाग। 12 थमां 5 फीसदी जीएसटी दर होने करी कलाकारें गी खासा फायदा होग।

<><><><><><>

### Jayantibhai

केंद्रीय उपभोक्ता मामले, खाद्य एवं सार्वजनिक वितरण राज्य मंत्री निमुबेन जयंतीभाई बंभानिया होरें अज्ज सिक्किम दे पाकयोंग जिले दा दौरा कीता। उनें उत्थे बक्ख-बक्ख केंद्रीय ते राज्य योजनाएं तैहत कई विकास परियोजनाओं ते कल्याणकारी पहलें दा निरीक्षण कीता। राज्य मंत्री होरें अपने दौरे दी शुरुआत एनएचआईडीसीएल आसेआ राष्ट्रीय राजमार्ग 717ए पर निर्माणाधीन सड़क परियोजना दे निरीक्षण कन्नै कीती। उनें प्रधानमंत्री आवास योजना, जल जीवन मिशन, प्रधानमंत्री कृषि सिंचाई योजना ज्नेही कई केंद्र सरकार दी परियोजनाओं दा बी जायजा लैता।

<><><><><><>